

12. gr.

Fari ammoniumnitratáburður niður á gólf í geymsluhúsi skal honum þegar sópað upp og hann strax grafinn í jörðu eða kastað í vatn. Innihald rifinna eða skemmdra poka skal láta í nýja poka, sem séu það stórir, að þeir rúmi allt innihaldið og verði síðan örugglega lokað.

Timburgólf, sem áburður hefur til muna spillzt niður á, skulu vandlega þvegin úr vatni.

13. gr.

Þar sem ammoniumnitratáburður er geymdur, skulu reykingar stranglega bannaðar, svo og umferð með opinn eld eða óbirt ljós.

14. gr.

Á notkunarstað má ekki geyma ammoniumnitratáburð í sama húsi og lífræn brennanleg eða tærandi efni. Æskilegast er, að áburðurinn sé geymdur í sérstæðum húsum, fjarri hlöðum eða gripahúsum.

15. gr.

Við notkun skal gæta þess, að nota þegar allt innihald poka, sem opnaður hefur verið og brenna síðan tómu pokunum, fáum í einu.

16. gr.

Brot gegn reglugerð þessari varða sektum frá 50—5000 krónum, nema þyngri refsing liggi við samkvæmt lögum. Sektirnar renna í ríkissjóð.

Með mál út af brotum skal farið að hætti opinberra mála.

Reglugerð þessi er hér með sett samkvæmt lögum nr. 23 1. febr. 1952, um öryggisráðstafanir á vinnustöðum, til þess að öðlast þegar gildi og birtist til eftirbreytni öllum þeim, sem hlut eiga að máli.

Samgöngumálaráðuneytið, 4. júní 1954.

Ingólfur Jónsson.

Páll Pálmason.

SAMÞYKKT

um lokunartíma sölubúða og sölustaða og takmörkun á vinnutíma sendisveina á Ísafirði.

1. gr.

Sölubúðum á Ísafirði skal lokað eftir því sem ákveðið er í 2., 3. og 4. gr. samþykktar þessarar. Sama gildir um sölustaði, þar sem innlendur varningur er hafður á boðstólum til sölu og hans ekki neytt á staðnum.

2. gr.

Alla virka daga ársins skal sölubúðum og sölustöðum lokað eigi síðar en kl. 6 síðdegis og þær eigi opnaðar aftur fyrr en kl. 8½ árdegis næsta virkan dag. Þó skulu vera þær undantekningar frá þessu, er nú skal greina:

Aðfangadag jóla og gamlársdag skal sölubúðum og sölustöðum lokað eigi síðar en kl. 1 síðdegis, nema þeir dagar séu mánudagar, þá má hafa opið til kl. 4 síðdegis.

- 84 Síðasta virkan dag fyrir aðfangadag jóla er heimilt að halda sölubúðum og sölu-
10. júní stöðum opnum til miðnættis, svo er og heimilt að hafa opið til kl. 10 síðdegis
einn virkan dag á undan þessum degi, skömmu fyrir jól.

Á tímabilinu frá 1. maí til 30. september skal á laugardögum loka sölubúðum
og sölustöðum eigi síðar en kl. 12 á hádegi. Á tímabilinu 1. október til 30. apríl skal
á laugardögum lokað eigi síðar en kl. 4 síðdegis.

Föstudaga á tímabilinu 30. apríl til 29. september má hafa opið til kl. 7 síðdegis.

3. gr.

Almenna helgidaga, sumardaginn fyrsta, 17. júní og fyrsta mánudaginn í ágúst-
mánuði mega engar sölubúðir eða sölustaðir vera opnir.

Hinn 1. maí og 1. desember skal öllum sölubúðum og sölustöðum lokað kl.
12 á hádegi, ef þessa daga ber upp á virka daga.

4. gr.

Frá ákvæðum um lokunartíma sölubúða og sölustaða í samþykkt þessari skal
sú undanþága vera, að brauðsölubúðum og mjólkurbúðum má halda opnum, ein-
göngu til sölu á brauði, kökum, mjólk, rjóma og skyri, sem hér segir:

Almenna helgidaga, sumardaginn fyrsta, 17. júní og fyrsta mánudag í ágúst-
mánuði frá kl. 9 árdegis til kl. 12 á hádegi. Þó skal loka páskadag, jóladag og nýjár-
dag svo sem öðrum búðum.

Aðfangadag jóla og gamlársdag til kl. 4 síðdegis.

Fyrsta sunnudag í sjöviknaföstu frá kl. 9 árdegis til kl. 4 síðdegis.

Laugardaga til kl. 4 síðdegis.

Almenna helgidaga, aðra en stórhátíðir, svo og almenna frídaga, má þó jafnan
hafa opna aðalbúð hvers brauðgerðarhúss frá kl. 9 árdegis til kl. 12 á hádegi.

5. gr.

Lyfjabúðir mega afgreiða lyf og sjúkragögn hvenær sem er, en aðrar vörur ekki
á þeim tíma, sem almennar búðir eru lokaðar.

6. gr.

Eftir lokunartíma sölubúða og sölustaða er óheimilt að selja á strætum og torg-
um eða annars staðar utan sölubúða og sölustaða, nema úr sjálfsöllum, nokkurn
þann varning, sem ekki má selja nema samkvæmt verzlunarleyfi.

7. gr.

Menn, sem komnir eru inn í sölubúð eða sölustað fyrir lokunartíma, er heimilt
að afgreiða eftir að lokað er.

Matvæli til skipa, sem eru að leggja úr höfn, er heimilt að afgreiða eftir lok-
unartíma.

8. gr.

Vinnutími sendisveina, er starfa hjá hvers konar verzlunar- eða iðnaðarfyrir-
tækjum eða skrifstofum á Ísafirði, skal eigi vera lengri á degi hverjum en hér segir:

Fyrir sendisveina á aldrinum 12—14 ára 8 klst. á dag.

Fyrir sendisveina á aldrinum 14 ára og eldri 9½ klst. á dag.

9. gr.

Útsending á vörum, bréfaburði og innheimtu, er sendisveinar starfa að, skal
lokið eigi síðar en 1 klukkustund eftir lokunartíma sölubúða og sölustaða, verk-
staða eða skrifstofa, og daginn fyrir almenna frídaga eigi síðar en tveim klukku-
stundum eftir lokunartíma.

10. gr.

Lögreglustjóra er heimilt, þegar sérstaklega stendur á, að veita undanþágu frá samþykkt þessari fyrir einstaka daga og til þess að sala fari fram í góðgerðaskyni, eða til ágóða fyrir stofnanirnar eða fyrirtæki, sem að dómi lögreglustjóra horfa til almenningsheilla.

11. gr.

Brot gegn samþykkt þessari varðar sektum 20—500 krónum, og renna sektirnar í bæjarsjóð. Mál út af brotum gegn samþykkt þessari skal reka sem almenn lög-reglumál.

Samþykkt þessi, sem gerð er af bæjarstjórn Ísafjarðar samkvæmt lögum nr. 17 1. febrúar 1936, staðfestist hér með til eftirbreytni öllum þeim, sem hlut eiga að máli. Jafnframt er úr gildi numin samþykkt um lokunartíma sölubúða á Ísafirði, nr. 72 frá 7. ágúst 1930, og breytingar á þeirri samþykkt, nr. 105 frá 30. október 1930, nr. 47 frá 14. júlí 1936, nr. 64 frá 11. júní 1937, nr. 95 frá 19. júní 1944 og nr. 196 frá 30. október 1945.

Félagsmálaráðuneytið, 10. júní 1954.

F. h. r.

Hjálmar Vilhjálmsson.

Gunnlaugur Þórðarson.

S A M Þ Y K K T

um lokunartíma skósmiðavinnustofa í Reykjavík.

1. gr.

Skósmiðavinnustofum í Reykjavík skal lokað eftir því sem ákveðið er í 2., 3. og 4. gr. samþykktar þessarar.

2. gr.

Alla virka daga árs skal skósmiðavinnustofum lokað ekki síðar en kl. 6 síðdegis, nema laugardaga kl. 12 á hádegis og þær ekki opnar aftur fyrr en kl. 8 árdegis næsta virkan dag. Þó skulu vera þær undantekningar frá þessu, er nú greinir:

Aðfangadag jóla og gamlársgangur skal stofnunum lokað ekki síðar en kl. 4 síðdegis. Síðasta virkan dag fyrir aðfangadag jóla skal heimilt að halda stofnunum opnum til kl. 9 síðdegis.

3. gr.

Almenn helgidaga, sumardaginn fyrsta, 17. júní og fyrsta mánudag í ágúst-mánuði mega engar skósmiðavinnustofur vera opnar.

Hinn 1. maí og 1. desember skal öllum skósmiðavinnustofum lokað kl. 12 á hádegis ef þessa daga ber upp á virka daga.

4. gr.

Menn, sem komnir eru inn á skósmiðavinnustofur fyrir lokunartíma, er heimilt að afgreiða eftir að lokað er.

5. gr.

Brot gegn samþykkt þessari varðar sektum 60—1500 krónum, og renna sektirnar í bæjarsjóð.

Mál út af brotum á samþykktinni skal reka sem opinber mál.